

璧水羣英待問會元

壁水群英待問會元卷之十四

君道門

君德

附

勤德

儉德

明德

名流舉業

立意發端不已不欺之說○銘盤九字謹終如始在人君固
當有不已之德暗室一誠莫顯乎微在人君尤當有不欺之
心大抵君德之流行君心之發見也德之不已者固貴於始
終如一心之不欺者猶貴於顯微無間何則夜氣清明不以
旦晝而亡童蒙果育不以再三而瀆輝光篤實與日俱新剛
健純粹與時俱運如大明麗天綿亘萬古而光景常新太阿
發矟剗裁盤錯而鋒芒不頓此之謂不已之德歟社經筵不

以暗室屋漏而移改容莊士不以宦官女子而遷起居飲食
箴誦乎先後云為舉措史筆乎左右如齋明盛服而天地神
明在上在側深居燕處而十手十目所指所視此之謂不欺
之心

實德實政之說○回天下之勢者必有更新之實政成天下
之治者必有常新之實德以常新之實德圖更新之實政天
下無難為之事矣蓋政者正也上率以正孰敢不正德者得
也心有所得何求不得德乃政之本政乃德之推然而政之
更新者易德之常新者難發強之志一立而整暇之功旋見
議論必求於確實意向必主於的實規模必務於靠實此更
新之所以為易逆順之境不同警玩之心隨變雜揉易汨其

純實奇袤易蠱其樸實虛僞易虧其充實此常新之所以爲
難昔之聖人知夫國勢之風采非小智所能振刷治體之精
神非小功所能整頓艱難之會不可無變通之道膠轕之衝
不可徇拘攣之見必致知以爲明德之本必明德以爲治平
之地世運泰亨吾德之明自若也世運否塞吾德之明亦自
若也故有光明盛大之實乃收剝裁圖揆之功是以盤銘又
新紀於戴記篤實自新著在易經有天下者所當念也

強德以濟時用○方今大計何如哉切於憂國者皆曰彊國
勢爲急老於謀國者獨曰強君德爲先嗚呼國之強弱獨不
視將之勇怯乎章邯猶在何補於秦姜維未沒何裨於蜀故
知君德不強將不能以自強其國國之強弱又不視兵之精

脆乎羽林無恙漢竟優游神策雖蕃唐終陵靡故知君德不強兵不能以自強其國國之強弱又不視形勢之得失財計之盈虛乎江濤如故遽驚木柿之浮皮幣有餘只重輪臺之悔故知君德不強有土有財亦不能以自強其國思昔伯益論唐虞功化之源委惟無怠無荒一語耳而四夷來王者以是仲虺揭成湯興王之綱領惟不邇聲色數事耳而東征西怨者亦以是成王得文武周公治道之筋髓惟祇勤于德四字耳而四征弗庭者亦以是堂堂中國之勢果未嘗一日弱也惟君德之不強者實自弱之我惟自弱敵始浸強將雖勇雖衆勢雖利財雖豐且不足以振我之弱支敵之強何也無本故也況乎將果怯兵果弱險要已淪於盜手而供億取兵

辨於鑒空者乎

稽古偉議唐堯虞舜之德○堯舜之聖如天之運乎無聲無

臭之表大化磅礴元氣渾淪不可得而測識也不可得而形

容也稱堯者曰欽明文思曰安安允恭稱舜者曰濬哲文明

曰溫恭允塞曰神聖曰文武曰寬簡雖當時不能以一端也

易文漢唐之德○且聖敬日躋湯德之不已也之德之純文

德之不已也不邇不殖不以物欲而轉移無畔無援不以人

爲而間斷茫乎天運時止時行宵然神化無作無輟可謂至

德也已矣抑孰知禮我以自制非矯揉之爲也聲色之不大

非笑貌之恭也六事罪已質諸鬼神而無疑小心事帝建諸

天地而不悖其心之不欺者何如哉迨至漢唐夙夜永惟武

帝非不欲運此德於不已也躬行仁義太宗非不欲此運德於不已也然輪臺之詔徒以重晚節之噬臍十漸不終浸不如初年之銳意方其清明則泉達而火燃及其轉移則風休而冰釋可謂不常其德矣抑孰知仁義之施不足以蓋其多愆之愆王道之行不足以掩其閨門之玷竊直一言切中膏肓書空幾字窺見肺腑其心自欺何如哉

法祖嘉猷 本朝君臣相正○國朝聖聖相承盛德大業輝映千古固無待於繪畫天地模寫日月而可見矣姑即所聞者而稱誦之元祐初元我哲宗皇帝之盛也一時新政之聳動皆一人新德之流行則其自強不息固已進乎剛健之天矣當時鴻臣碩輔如司馬光猶以其平生學術已試於累朝者

為聖德之助必曰安百姓利萬物斯可以言仁別賢愚辨是非斯可以言明姦不能惑佞不能移斯可以言武投老而來納忠不已亦曰不如是不足以為吾君成德之地也家學源流如蘇公軾未幾亦以六事奏之曰慈曰明之外諄諄乎勤儉誠謹之論不曰約已省費則曰躬親庶政也不曰畏天法祖則曰推心待下也雖言無新奇如服藥石亦以為不如是不足以大吾君成德之地也

強政在於彊德○方今事勢適與中興初年有相似者當時大規模大議論豈不急於此顧必先以內脩李公綱之說曰新盛德以動天心張公浚之請曰正心脩身以感天下許景衡則曰今思所以強中國攘夷狄在脩德而已丹青議論可

謂著明新膽規模猶爲刻厲黃門聊備掃灑官人僅給使令
外戚無濫恩內帑無妄費軍國大事坐小閣以靜思將臣論
兵過乙夜而不寐謂憂勤以成務之詔味焦思先吾身之詩
想見其恫瘝之切憤悱之深黽勉之誠堅忍之力直不知有
九重之貴有四海之奉也自強如此何憂女真邪

時文警段實德貴乎常新○易新者在政難新者在德皇上
孜孜日思已有進德之資矣不識亦加意於進德之實乎德
者何心是也中庸曰尊德性尊是心也大學曰明明德明是
心也心之爲德以公而清以私而濁以理而明以欲而暗苟
新其德則清如止水明如皦日公勝而私泯欲盡而理融守
之以精一持之以悠久必日就月將緝熙不已而後可謂之

新一息有間非新也閑邪存誠乾乾夕惕而後可謂之新一
念少肆非新也自然宇定而光發室虛而白主體之於身無
一日而不新推之於治無一事而不新實德實政何害其爲
俱新哉不然微風過之寸雲點之涵養之力不加清明之境
易汨誠恐中無定守不休於畏沮則制於拘攣不玩於虛浮
則淪於姑息今日之所謂俱新者恐不能保其往矣是豈非
實德常新之爲難乎

德新則治日新○進德無止法此心清明則此德日新而不
息致治有成法此德剛健則此治日新而不窮政之未新德
之未新也天下固無趨而難回之勢聖人常有純亦不已之
德蓋聖心清明乃聖德常新之基也世之人主有能清明於

其始而不能不晦蝕於其後心苟不立清明何有惟見其始勤而終怠也始警而終玩也始乎天理終乎人欲也始乎與治同道終乎與亂同趣也又何足以語常新之功哉是以堯之廣運舜之日致禹之孜孜湯之又新文武之勤成王之就將無非以付畀之重而為是憂勤其於天命也不曰永保天命則曰祈天永命盡保位之實則知夫位天位也盡愛民之實則知夫民天民也其於祖宗也不曰繩其祖武則曰昭其先功盡尊祖之實則不惟皇祖有訓當念也盡敬宗之實則不惟明堂宗祀而止也故皇天無親惟德是輔毋念爾祖聿修厥德此古昔帝王所以如是之拳拳也

立德貴乎有常○為治無他道在乎常其德而已常者何曰

新又新之謂也天以常故不息地以常故厚載日月以常故
久照人君中天地而立並天地日月之明自非有常新不變
之德其何以圖事揆策運行萬化而措斯世於平治之域哉
故易以常久而後化成伊尹曰常厥德保厥位信矣君德之
不可不常新也皇上非不銳情經術也其或黽勉於翠幄臨
講之頃而轉移於燕處閒暇之私非所謂常新皇上非不留
意戎備也其或戒謹於羽書方警之時而玩愒於駟報稍寬
之日非所謂常新皇上非不悉心愛民也其或勤卹於清人
沿散之初而懈弛於鴻鴈還定之後非所謂常新然非剛則
不能新非明則不能新非遠淫聲曼色則不能新非聽讜言
法語則不能新世道轉移之機特在聖心一德之常新耳

綺語聯珠

道足以化慾則慾不為害道之螟

義足以勝氣則氣不為伐義之斧

養之既熟時至氣化含穎充實固與握苗而助長者不同
養之既深源泉有本盈科後進固與溝澮之暴集者有異
灌溉浸潤之則君德溥博而淵泉矣

琢磨礱錯之則君德溫粹而精純矣

細行難謹細過難防消消之私難塞悠悠之念難去浸潤之
佞難遠先入之語難忘

堯舜禹湯世主之父師諫臣拂士世主之藥石恭敬慈儉勤
勞憂畏世主之繩約

宴安怠惰憂勤之鳩毒也附耳屏語讒譖之鼠穴也暴虐不恤寬仁之尋斧也優游不斷剛決之掣肘也不惜名器決奔競之隄防假借威福授陵奪之太阿者數之失不在多也有一于此萬善俱喪

當今獻策君德不容作輟○且以君德言之乾旋轉德之坤剛也否休泰通德之明也損上益下德之仁也惡衣菲食以昭其儉學聚問辨以昭其勤此德之大蓋有參天地而闢盛衰者夫何慮斷參於燕安之鳩勇智移於鴻鵠之轉向也衆生彙征羣邪退伏今則薰猶復至於同器向也聖恩寬大民隱厯求今則鴻鴈復蕩於离居惡旨有箴矣猶未免舉白浮觴之娛無邪有戒矣猶未忘燕歌趙舞之樂金華講說浸異

於曩時翠幄訪諮益虧於前日不已之德毋乃猶有間斷耶
必也身修思永而不戕以聲色之斧尋德修罔覺而不流以
利欲之波蕩以堯舜爲父師以諫士爲藥石以恭敬惠愛爲
繩度積之以歲月而無變煩之以萬幾而無倦造中庸之至
全大學之定庶幾終始如一而盛德日新矣

君德要當體乾○六陽乘乾聖人位正爲大君者當思所以
體乎乾體乾者何剛健是也深惟今日陽氣浸穢垂妖吐異
翳景埋光而侵眚之惡交於天食交損稼連疇接壤而昏濁
之障具於地懷貪肆虐破藩毀垣而腥羶之穢慘於人魚鼈
融洩巧爲蠱媚陽之蝕也梟鳴雜襲大肆蜂螫陽之蔽也鼠
社睚眦每懷鴆毒陽之累也青天白日而浮雲重霧之紛紜

嘉禾良穀而稂莠稚穉之封殖陽方斷續陰輒崢嶸乘乾之德非大君之所當運乎

德強則國與強○嗟夫財計者國之氣血也形勢者國之膚革也兵者國之爪牙也將者國之肘臂也而國之命脉國之心腹果安在老於謀國者亦曰在君德而已凡君德之強者必精明則將之怯者可使勇凡君德之強者必振厲則兵之脆者可使精凡君德之強者必把握則形勢之虧者可使全凡君德之強者必節約則財計之歉者可使裕吾德一強韃將厥角稽首之不暇而外治猶有不舉國勢猶有終弱者乎然則強君德之說將何如一日剛剛者不撓於陰柔撓之則剛者靡矣今朝綱旣圖於翠幄而通禁之妖尚存無邪昭揭

於丹書而卻座之規或拂剛得無撓乎二曰明明者不翳於
邪枉翳則明者蝕矣今許史之恩過優或啓甘言卑辭之托
恭顯之蹊莫杜必萌浸潤膚慙之奸明得無翳乎三曰勤勤
者焦勞宵旰真以用急爲心不以有所玩而愉也今延英之
訪問雖頻何不立課程而辦事在鎬之豈樂或迫毋乃憚多
故而愒憂勤如之何而不替四曰定定者主張枰局的以自
治爲說不以有所怵而沮也今常武昭回於奎畫而未能免
隨敵懼舞之心責實諄勤於詔書而猶或縱在位苟愉之習
定如之何而不搖

生意收結修德以仁爲首○雖然天之四時首以春也乾之
四德首以元也仁者其帝王萬善之冠冕歟惟我仁祖號稱

至仁其講周禮則曰薄征緩刑雨露之涵濡也論契丹則曰
境外皆吾赤子天地之容養也詒厥孫謀以燕翼子獨非可
取法乎先儒有言曰法仁祖則至天德矣不然溫公之論三
德何以獨首於仁而蘇公軾之奏六事亦何以獨先於慈哉
愚敢以是爲終篇獻

德以講學爲先○雖然抑猶有說學所以進德必有師友漸
摩之助古之人君立師保傅之官以爲承師問道之本至于
左右前後亦莫不有箴規裨益之力苟惟親御經筵之時少
而深宮宴處之時多交接儒臣之情踈而昵狎褻近之情密
恐非所以養成君德也今之開陳理亂剖析經理於廣廈細
旃之上者必得天下之賢士居之矣夫退朝之暇與王游處

而備顧問者尤不可不擇如是則善言善行何時而不聞出入起居何往而非學君德何時而不進哉

又講學進德之一助也若夫侈金華之講誇車馬之榮未足以知養君德之義而指千載之難言惟故事之是奉是又沮其君稽古進德之志皆不足為今日道

故事源流

經傳格言寬以居之仁以行之易曰見龍在田利見大人君

德也易乾卦臧孫曰君人者將昭德塞違以臨照百官百官於

是乎戒懼而不敢易紀律左傳帝章詔曰明君之德啓迪鴻

化緝熙康乂後本紀

歷代事實堯舜善積而名顯德彰而身尊前策董益曰都帝德

廣運乃聖乃神乃武乃文有四海為天下功大焉德威惟

畏德明惟明昭堯德厚恩深無終於下傳不唐堯以德化為

冠冕後傳孔子曰舜其大孝也歟德為聖人尊為天子故大

德必得其位必得其祿必得其名必得其壽禮記舜曰天德

而出寧日月照而四時行若晝夜之有經雲行而雨施矣主

道天下明德皆自虞帝始紀史本益贊于禹曰惟德動天無遠

弗届禹謨或問絕德曰舜以孝禹以功穆惟禹體道功厚德

懋山經湯之盤銘曰苟日新日日新又日新記太戊有桑

穀之異懼而修德殷道復興詩烈高宗有鳴雉之異懼而修

德殷道復興詩元周王孫滿曰商紂暴虐鼎遷于周德之休

明雖小重也天祚明德有所底止成王定鼎于郊鄒卜世三

十年七百年所命也周德雖衰天命未改鼎之輕重未可問

也左宣周德始乎后稷長於公劉大於太王成於文武顯於

周公德澤上昭天下涌泉無所不通上天報應昭為周出語

傳王詩曰於乎不顯文王之德之純蓋曰文王之所以為文

也純亦不已周世世修德莫若文王皇予懷明德不大聲

以色不長夏以革皇帝度其心莫其德音其德克明克明克

類克長克君王此大國克順克比比于文王其德靡悔既受

帝祉施于孫子九德不愆作事無悔故襲天祿子孫賴之昭

年十八武王有聖德復受天命能昭先人之功焉昭成王祇

勤于德夙夜不逮周官假樂嘉成王也假樂君子顯顯令德修

漢高祖實天生德聰明神武徽高皇帝聖德茂盛受命溥將

欽若稽古承順天心

韋元成傳

文帝漢興至孝文四十有餘載德

至盛也

史贊

本天以唐克肖其德聖子神孫繼繼承承於千萬

年敬戒不怠

韓平淮碑

太宗有文武仁義之德致治太平之功

可謂盛矣

陸贄傳

陛下盛德含光規模宏遠

張行成傳

元宗以聖文

之德致天下之肥易肅宗盛德之興山高日昇萬福是膺

元祐中興頌

皇朝典章

真宗咸平中陳堯叟曰天之謫見實欲昭示時君

今陛下克已愛民河防十餘溢而不決歲復大稔此聖德格

聖

大所致也

政范祖禹上言伏觀仁宗在位豐功盛德不可名

言所可言者所可見者其事有五畏天愛民奉宗廟好學納

諫行此五者於天下所以爲仁也

韓明道二年因講尚書

洪範五事上曰人君奉天在於修德夙夜兢兢警於未形尚
恐不至必俟天有譴告然後修德是豈畏天道實英宗治平
中司馬光言人君之尊與天地同體以剛健為德以重厚為
威照微嘗如日月發言當如雷霆群臣安得不畏服哉 高
宗紹興初上謂宰執曰人主之德莫大於仁仁之一字非堯
舜不能盡 孝宗淳熙五年趙雄奏太史局申祥瑞言人君
德至於天為萬民所愛戴則有是瑞並聖

先正論建司馬光上仁宗修心之要有三一曰仁二曰明三
曰武仁者非姑息之謂也修政治興教化育萬物此人君之
仁也仁而不明猶有良田而不能耕也武而不仁知猶穫而
不知種也哲宗即位再進此曰昔仁宗擢臣知諫院即言人

君之德三英宗神宗皆以此言進今陛下新承大統謹復以
獻臣平生思慮盡在於是故首爲累朝言之 呂公著上哲
宗切思人君即位之初宜講求修德爲治之要以正其始槩
舉十事仰贊聰明一曰畏天二曰愛民其愛民之章謂人君
臨朝聽政皆以赤子爲憂一旦用兵則不復以生靈爲念

文集菁華

東坡云若夫德有所未至教有所未孚者此實不

至也德之必有以著其德之之形教之必有以顯其教之之
狀德之之形莫著於輕賦教之之狀莫顯於去殺賢良胡氏
曰帝王之德莫不本於格物致知以誠其意正心正身以正
其家若夫正朝廷以正百官正百官以正萬民則自正家而
推之爾內外本末精粗先後非有殊致猶百尋之木起自萌

茅河出崐崙至于大海一貫之故能成功管見

君德二

以學力充養立說

策頭有帝王之天資必有帝王之學力天資粹美聖德所以日新也學力無窮聖心所以天運也自昔盛帝明王出而統天御極履端肇始未有無天資者自其性惻稟隱心本好生有以備此德之仁自其廣充羞惡行而合宜有以備此德之義自其濬哲天稟與日月並其明而明之德備焉自其勇智天錫與乾健同其剛而剛之德備焉具聖神文武之體推仁義剛明之用一性既覺萬善俱進由其聖德之日新可以見帝王之天資矣雖然理義難盡人心易遷學問難窮私情易怠是可不可不盡其所謂學力乎汲汲焉皇皇焉愈求而愈切愈

至而愈不至善可咨也吾咨之雖藹莢之賤工瞽之微不棄也學當講也吾講之雖理趣幽微古今緬藐不忘也賢所以輔吾之善賢有可求何間乎築巖而釣渭言所以正吾之失言有可聽何畏乎批鱗而逆耳凡可以裨益聖性養成聖功者靡所不用其力則由夫聖心之天運豈不足以見帝王之學力乎

策段音嘗讀易信斯言矣剛健中正純粹而精乾之德也而大象以行健明之謂之行健則乾乾不息悠久無疆學力者如之含洪光大厚德載物坤之德也而文言以時行明之謂之時行則德主有常德合無疆學力者如之若夫天資之與學力又豈判然二物哉志於五帝可以爲帝志於三王可以

為王有是聖心則有是聖德也一念既決乃終身成就之地
一意奮勵為千萬世廣大之基如是天運必如是日新也嗟
夫道理本無終窮學問安有紀極古今同此道理同此學問
同以正心為本同以力行為務同知致廣大而盡精微極高
明而道中庸有能天運而日新之則可以六五帝而四三王
矣

學問之功深固可以六五帝而四三王學問之力淺猶可以
羞五伯而軼兩漢學問不加則雖欲拍肩晉魏亦不足以追
其後塵矣學之為王者事不其重乎

夫天下之治亂係於人主之學與不學則學決非人主之所
可廢也然無其資則不足以學無其法則不知所以學有其

資矣有其法矣苟不因其機以從事焉亦終於勞苦而無所成也是必資以本之法以輔之而又機以達之則始之於身中於天下國家終於百千萬世無不被吾學之功用也是焉得而窮乎

事

君子學以聚之問以辨之君德也

易乾

傳說告高宗曰

念終始典于學厥德修罔覺

說

本朝哲宗元祐六年梁燾奏銷變之速莫如修德修德之要莫如進學伏望陛下屏遠聲色披繹經史宮中清燕熟復前代治亂之要退朝之餘經筵之外間召講讀侍臣咨訪論議蘇子由云古之賢君必致意於學達性命之本而知道德之貴其視子女玉帛與糞土無異其所以自養乃與山林學

道者比是以久於其位而無害也三宗劉屏山曰吾觀古聖
賢之心異運同轍然而進修之速未有如湯者湯之盤銘曰
苟日新日日新又日新夫豈有瞬息悠悠意度哉樂善如貪
契理如函聞非如獲利捨過如遺蛻德必日新也日新之學
非踐履純實不自覺知彼謂聖道一言可契非由階級不假
修為以日就月將為初學以真積力久為鈍才是自誣也

璧水群英待問會元卷之十五

君道門

君德三

以臣子輔

策頭有帝王進德之天有帝王成德之地夫以聰明之主負高世之資不以萬善具足者自居而以一念不息者自勉此其進德之天固可嘉也然而朝夕啓沃日月獻納使吾君之德極於成就之地而納之高明光大之天非有賴於人臣弼承之責乎天生聖人躬備全德仁足以愛人明足以察物武足以斷事以至於儉以處已勤以莅政誠以待人謹以保位兢兢而行之業業而處之銘之湯盤戒之武杖則其進德也孰禦雖然君側無子思王所非居州則終身力行豈無一息之懈弛平日操履豈無俄頃之間斷是則前後切磨左右規

警臣子力也君德仁矣必欲其如生育之春君德明矣必欲其如照臨之日君德武矣必欲其如變化之雷霆儉必欲其節以制度勤必欲其常而能久誠必欲其如中孚之信也謹必欲其如純乾之行也事事而誨之時時而勉之無逸作書敬之申戒吾君之德不至與天同大不止也然則茲非所以為成德之地乎

策段欽明文思允恭克讓堯之德也而論語所謂巍巍蕩蕩民無能名則堯與天為徒於乎不顯之德之純文之德也而詩所謂上天之載無聲無臭則文與天為一高帝大度之君也惟其依日月者刀筆是習格王正事曾無一語及之則帝之所至止於大度而已文帝寬仁之主也惟其舊臣將相推

魯少文啓乃沃朕曷嘗念及於此則帝之可稱止於寬仁而已謹厚如光武其天性也投戈講藝向道方新柰何二十八將方誇耀於武功之成而未有能爲伊傅格心之事業者固宜光武之止於光武也英武如太宗亦天資也銳情經術似知擇善十八學士雖假寵於瀛洲之選而未有能爲周召之教誨者固宜太宗之止於太宗也

共惟皇上天資之高德性之粹恤刑有銘愛惜民命而天下知其仁訓廉有旨洞燭吏奸而天下仰其明厲將有詔具訓戎士而天下服其武惡衣菲食禹之儉也庭燎有輝宣之勤也率正遇民舜之誠也畋游罔敢成王之謹也乾乾夕惕日新又新進德之天詎可以限量計哉然程頤有言雖睿聖之

資得之天稟而輔養之道不可不至是則初入諫垣終居宰
輔者當如馬司光抗三德之論可也日近天光親承帝問者
當如蘇公軾六事之奏可也天子既有躬行踐履之實邇臣
又有薰陶成就之實堯之巍巍蕩蕩文之無聲無臭與吾君
無間矣

彼其潜通古今之變深達理亂之原使之處乎講學之地則
義理溫潤之辭自足以松非心人君者誠能虛心以訪之曲
體以接之寬大樂易以待之雍容委曲以聽之相與以情而
不以勢相臨相孚以誠而不以分相隔則燕閒密勿之地無
非進德之基出入起居之頃無非講學之助而君德於是成
矣若夫徇崇儒重道之名無尊德樂道之實則官聯雖具而

誠意之不接禮貌徒評而情實之不孚則學問之不廣言行之不時殆有不勝其慮者由是觀之則居經筵者庸非係於人主切身利害乎

事惟尹躬暨湯咸有一德克享天心書爰立作相王直諸其左右命之曰朝夕納誨以輔台德說

本朝太宗雍熙元年上謂宰臣曰當與卿等力行好事以答天意纖端拱二年上曰天監不遠當與卿等砥礪以消天變仁宗慶曆三年上曰朝廷細故朕與卿等未嘗不留意惟民間疾苦尤須省察有以利天下者在必行之英宗治平二年詔執政大臣皆朕之股肱其叶德交修以輔不達並同孝宗淳熙中趙雄奏雨頗霑足皆聖德所致上曰朕何德惟

賴二三大臣扶持公道上承天心蓋皇天無親惟德是輔
乾道元年上曰時和歲豐皆卿等叶贊之力朕當與卿等講
求其未至者虞允文奏聖德無闕動合天心上曰君臣之間
正要更相儆戒庶幾交修以答天貺聖訓

勤德

附

以勤則政修立說

策頭

事力之稍寬則所以措置乎國本者貴乎備事體之稍

定則所以區處乎國勢者貴乎詳方當中外多事之日固難
以為猝然之計至於稍定之時則正可容吾力以盡其區處
措置之圖夫苟見其力之稍寬矣置其事而不復慮見其勢
之稍定矣寢其議而不復為則目前之寬而又無以應他日
之急一時之定而又無以保其時之動此誠廟堂之所當盡

心而群大夫之所當盡力也

策段 寶元康定間元昊小醜敢干天威當時內庭外邊無一事不備虜無一日不言兵內治條目豈無痿而不起者豈無沮格而未能施行者未幾而寒膽興謠虜遂納款治外之事稍暇則治內之事不容於不急矣我仁祖急於求治今日賜手詔明日給筆札其責治於杜富韓范者甚力於是事列十數者指為時尚之所先條上九事者目為施行之當急君臣上下以寸陰為最難得以機事為不可失色色而整辦事事而振刷皆以急處暇規模也

孟子曰國家閑暇及是時明其政刑及之一字其以急處暇之謂歟方其國家之急政事猶可諉也及其國家之暇而不

急於政事其可乎

浮漚白日視陰時機擲歲月於反掌者不可徂既往之幸尺璧寸陰着鞭事會撫歲月而寒心者所當爲方來之惜嗟夫天不予人以暇時一日之暇必責一日之功矧今歲月有餘適當二紀天運之周固雖撫時之多事一變之生當爲一變之慮廼今事功不足未能副二紀人望之切堦冀觸目風箴吹心切謂目力之視悠悠事功之圖泛泛向雖指爲既往者之幸今則不可再幸矣時機之迫駸駸事會之來鼎鼎昔雖不爲方來者之惜今則不容不惜矣

端嘉以來彼酋爲梗其實元以後之氣象乎天道好還胡運終敝至于今日駸駸乎有慶曆之歲月矣則夫弱者未強虛

者未實濁者未清壞者未修皆當竭心思而為之慮運精神而使之新而不至虛擲光陰可也

事料

堯兢兢日行其道舜業業日致其孝董策禹惜寸陰晉克

勤于邦

漢益曰儆戒無虞罔失法度罔游于逸罔淫于樂

湯昧爽不顯坐以待旦

伊訓

文王自朝至于日中昃不遑暇食用咸和萬民不敢盤于遊

畋

無逸召公曰烏乎夙夜罔或不勤不矜細行終累大德為山

九仞功虧一簣

蘇文帝寒心銷志不明求衣鄒陽武帝策仲

舒制曰朕夙夜不遑康寧永惟萬事之統猶懼有闕仲舒對

曰事在強勉而已強勉學問則聞見博而智益明強勉行道

則德日起而大有功

董策光武每旦視朝日昃乃罷數引公卿

郎將講論經理夜分乃寐皇太子見帝勤勞不怠諫曰陛下有禹湯之明失黃老養性之福願願愛精神優游自寧帝曰我自樂此不爲疲也

通鑑

太宗身屬褊韃風洒露沐然銳情經

術旣即位置弘文館引學士番宿更休聽朝之間則與討古

今道前王所以成敗或日晷夜艾未嘗或怠

儒林傳

太宗嘗曰

朕思天下事丙夜不安枕

循吏傳

本朝太祖臨御幾十載乾德六年始詔旬假依舊便殿坐晚

朝不坐以此知太祖雖旬假早晚朝亦御決事也

讀太宗雍

熙元年上謂宰相曰朕每日所爲自有常度辰巳間視事旣

罷即看書深夜乃寢五鼓而起盛暑永晝未嘗臥

綴至道元

年上曰朕自君臨未嘗一日不鷄鳴而起聽四方之政至於

百司庶務雖微細者朕每與詢訪所以周知利害深究安危之理也

會要

真宗勵精求治如恐不及總覽萬機小大必親遇休暇猶間御便殿決事或日昃不暇食上朕享天下之奉非喜勞惡逸誠欲以此勤報之也神宗熙寧元年富弼入見坐語從容至日昃問以治道編長神宗問曰御邇英講讀雖風雨不易禁中觀書或至夜分同上

高宗紹興三十一年九月進呈看詳封事上曰朕嘗親閱往往至夜分陳康伯等奏曰陛下乙夜之覽豈不重勞上曰誠恐其間不無利害今茲多事朕於官中所在常令人以筆硯自隨每思得一事即札記付外施行孝宗乾道元年洪适

等奏連日祠事恐聖躬少勞今日不敢乞奏事又蒙宣召不知有何處分上曰只爲卿等兩日不曾奏事明日又是旬休恐事有積壓 司馬光上英宗爲人君者視天下有一事之不治以爲已過有一民之失所以爲已憂天下已安已治矣猶復思將來之患而豫防之天下未嘗無事也在人君思與不思而已矣思之則治安不思則危亂 蘇軾進策別曰西漢之衰皆非有暴驚滛虐之行特以怠惰廢弛溺于燕安畏替月之勞而忘千載之患是以日趨于亡而不自知也仲尼贊易稱天之德曰天行健君子以自強不息由是觀之天之所以剛健而不屈者以其動而不息也惟其動而不息是以萬物雜然各得其職而不亂其光爲日月其文爲星辰其威

為雷霆其澤為雨露 秦觀論夫乾九三以不中之位懷重剛之險前有五之可至後有二之可終於斯時也可謂危矣可謂難其處矣此其所以終日乾乾而夕猶惕者也日者有為之時夕者無為之時於有為之時則乾乾以致其力於無為之時則惕若以致其心夫亂生於所忽治生於所憂安之者危亡之者存固天之理也

儉德

附

以儉則用足立說

策頭明乎儉以足用之說者可與議財矣蓋財無豐嗇而用有奢儉以儉為實者財雖嗇而用有餘以奢為尚者財雖豐而用不足是故以漢唐疆宇之廣賦入之繁而財用常不繼者由其君之不務儉而好大喜功弊天下於多事也以孔明

一隅之蜀狹陋之地而兵食常不匱者由其國之不務奢而勤儉節用有以措其國於富饒也

錄 陵千金之家侈費無節出不量入人見其膏腴也有可以惑其耳目蠱其心志者紛然交至惟恐費用之不售也願指氣使目前之費未害也日積歲累販夫孺子執券責負則傾圮倒廩不足以償之昔之膏腴今之貧窶一瞬間爾苟為搏節則一簣之資亦足以富聖化者風俗之樞機上之人躬履節儉則風行草偃孰不轉侈靡而為質朴之歸哉

共惟國朝列聖相承以儉為寶周能置天下於富庶之域蓋自蔡京用事倡為豐亨豫大之說導人主以侈靡而後諸臣得以肆其驕奢之習輔相所處無異皇居而外之守帥亦以

真紫爲帟幕祖宗風烈蓋泯然矣今日處變故艱危之秋又非豐亨豫大之時矣朝廷之帑藏虛矣州郡之椿積散矣生民之膏血竭矣連年用兵供億頻繁一日不知其幾萬矣自今觀之惟有節儉一說庶可救弊倘猶循習故常以相尚愚未見其可也

清心寡慾儉以足用則以天下養天下而有餘解衣推食惠不知政則以一人養天下而不足夫天下非乏於資生之具也天地之施生者源源而孕育山海之富藏者在在而呈露重以農桑之大務竭地力以爲之生殖商賈之大計殫人力以爲之貿遷生人之類無窮而生物之藏亦無窮若是則以天下之物力自足以養天下何至有不足之憂然國家莫廣

於經常之費也。版圖之所入有限，而費用或浮於所入，正貢之所供有數，而酬應或溢於所供，重以宮掖之費耗者尤多。而大農每以匱告，兵籍之費用者日廣，而三總每以闕聞。國家之事務方來，積欠之供需難辦。若是則以經常之用反易以蠹物力，如之何不重貽識者無窮之憂。

嗟！今土宇非版章之舊，職方虧貢賦之全國，蹙財殫公私之積，尤可哀痛。此誠省事節用之日，而左支右吾方有凜凜不繼之憂，其將何策以處此哉？四郊多壘，備禦方嚴，外之兵費未可省也；欲節浮費，自宮掖始，亦示儉為天下先可乎。

事

堯舜之化慈儉而已。

唐

堂高三尺，土階三等，菜茨不剪。

采椽不斲。

漢司馬

禹克儉，采椽。

文王卑服，即康功田功。

詩

逸魯僖公儉以足用詩文帝即位躬修節儉思安百姓至武

帝初七十年間國家亡事非遇水旱民人給家足都鄙廩庾

盡滿而府庫餘財前志文帝身衣弋絁足履革舄集上書囊

以為殿帷東方朔傳孝景遵業躬履節儉後二年詔曰彫文刻鏤

傷農事也錦繡纂組害女紅也上同光武身衣大練色無重綵

耳不聽鄭衛之聲手不持珠玉之玩前史明帝身御浣衣食

無兼珍史晉武帝儉以足用太醫司馬獻雉頭裘帝以奇技

異服焚之于殿前晉書元宗開元間焚錦繡珠玉於前殿又罷

織錦坊贊曰元宗勵精政事及侈心一動窮天下之欲不足

為樂溺其所可愛忘其所可戒本紀

本朝太宗乾德四年偽蜀孟昶服用奢僭至於溺器每裝以

七寶上遽命碎之張真宗咸平元年上謂輔臣曰國家所務
儉約為先當須節用愛人則民俗自化張齊賢曰書稱大禹
克儉于家老氏三寶儉居其一上之所好下必從之上好儉
則國有餘財下不僭則家有餘貲自然廉遜興行盜賊鮮少
雖雖之衆登于富壽也張仁宗嘗以富民之要在節儉為賦
題以試進士見呂溱賦云國用既節民財乃豐稱善者久之
曰未有君不節用而民富庶此賦當與甲科會每戒嬪御則
曰一絲一粒皆出民力朕為天下主若厚自奉養無有不可
但念奢則不遜儉則固汝輩各宜惜之高宗紹興三年上
因論祖宗創業艱難未嘗不以恭儉為天下先蓋儉則不妄
費不妄費則征求寡而民心悅此所以得天下也堯孝宗乾

道五年上曰自古人君當艱難之運未有不節儉當昇平之
後省後朕他無所爲止得節儉蕭國梁奏陛下言及
此宗廟社稷之福政聖范祖禹奏陛下儉於上則百姓富於下
陛下奢於上則百姓貧於下比年年穀不熟百姓困弊賴陛
下勤恤民隱存養休息視之如子有所不便輒弛禁以利民
民方有樂生之意自古爲國未有不先儉而能致四海富實
者也 胡寅曰漢旣大封同姓至文帝時封國漸衆諸侯王
自食其地王府所入寡於郡縣之時矣又與匈奴和親歲致
金絮綵繒之奉復欲命將出擊復困河決有築塞勞費大司
農財用宜不至充溢而文帝在位二十三年元年即賜民田
租之半次年遂除之然則何以足用乎曰文帝節儉起化於

身衣弋絺復革鳥集上書囊以爲殿帷所幸夫人衣不曳地
帳無文繡百金之費亦不苟用如此宮閭是效流傳國都以
及遠近莫有奢侈之習則如何不富其財不可勝用矣

明德

附

以明貴廣充立說

策頭有人主聰明之明有人主誠明之明聰明之明稟於天
資者也誠明之明充於學力者也古今人主曷嘗慊於聰明
哉稟是聰明而有時明爲物所昏亦其學力之充廣者未至
耳故稟明哲之資者人主之德養明哲之資者人主之學聰
明之明其水之清也誠明之明其澄沙泥而全水之清者乎
聰明之明其鏡之明也誠明之明其去塵垢而全鏡之明也
乎聰明之德其明未足恃誠明之學其德斯足恃人主亦務

學以全其明耳

策臣攷之二典所載述堯舜之德有皆曰聰明堯有聰明之德必以欽明文思繼之舜有聰明之德必以濬哲文明繼之聰明如堯生知之性欽明之明此學力之充也聰明如舜生知之性文明之明此德力之充也漢唐以來其君非盡無帝王之資而皆不充以帝王之學明達如高帝不能道不學之譏剛明如憲宗不能蓋不終之愆故能致漢唐之治者僅出於資稟之所及而不足以進於帝王者以其不能學之功藝祖皇帝以聰明天縱之資受天明命若可以自恃也觀其雖在軍中手不釋卷其好學何如召對講易訪以民事其學為有用何如夫以聖性高明本不待於學而學之不廢蓋將

充廣其明者也是以知人之明如日月之臨照下僚中有一
行可觀一才可稱者皆蒙聖知不次擢用此猶曰知人之小
者也由揖遜有天下至于天祿之傳不歸之子而歸之弟賢
於禹遠矣其知人之大有踰於此者乎

恭惟皇上嗣位以來妙選鴻碩以資勤講是亦堯舜之所以
為學也賢能才識日切搜揚是亦堯舜之所以求賢也求言
之詔亟頒屢下是亦堯舜之明目達聰也虛襟無我委任大
臣是亦堯舜之任百揆也是宜今日之治上配唐虞泰和之
盛可也而乃未如人意愈降愈下非特不可與隆古並言而
漢唐以來小康之治亦容有所未至抑何耶毋亦力學於稽
古之日者問辨之功有餘而踐履之功不足融明於一性之

天者昭晰之見雖若可喜而蒙蔽之見亦或可慮是母怪明德之不周於治也先正司馬溫公歷事數朝而明之一字屢以為獻錢公顗上要務十事而五曰聽斷不惑亦以明德人君之所尚而欲全其明非學力充廣不可也

事類

黃帝長而敦敏成而聰明 高辛聰以知遠明以察微

昔在帝堯聰明文思光宅天下 舜在則微堯聞之聰明

書明德自舜始

明庶物察人倫

孟

聰明睿智守之以愚

美哉禹功明德遠矣

成湯惟天生聰明時乂

天乃錫王

勇智

書

高宗惟天聰明惟聖時憲

書

文王內文明而外柔順

文王有明德

詩

武王亶聰明作元后元后作民父母

書

秦

漢高祖寬明仁恕不修文學而性明達知人善任使 文帝

上益明習國家事 明象乎日月 宣帝明於君人之道

傳九武璽書至河西咸驚以爲天子明見萬里之外

才明勇略張衡東唐太宗聰明英武有大志知行仁義斥刑

罰陸贄奏議太宗威行如雷霆明照如日月 憲宗剛明果

斷裴洎

本朝太祖聰明睿武能知人下僚中有一行可觀一才可稱

者皆蒙聖知不次擢用通鑑太祖聰明齊聖由揖遜有天下至

于天祿之傳不歸之子而歸之弟賢於禹遠矣事太宗嘗謂

侍臣曰人君聽斷苟能盡識人之情僞四方之事遠近巨細

無不通達方可控御天下 高宗嘗曰無心則明台州衝門

外有匿名書其間稱常平主管者李椿年刻薄事欲率衆作

過言涉不遜上曰官錢多失陷差官檢察若稍留心職事便
生誣毀此必州縣人吏所爲趙鼎等嘆服上之英明 孝宗
嘗曰朕每行兩句云不察察以爲明不穆穆以爲恭人人而
察之豈可勝察 神宗即位司馬光言人君修心之要有三
一曰仁二曰明三曰武明者非煩苛周察之謂也知道義識
安危別賢愚辨是非此人君之明也仁而不明猶有良田而
不能耕也明而不武猶視苗之穢而不能耘也武而不仁猶
知獲而不知種也 哲宗即位又上此三說曰仁明武出於
內者也用人賞功罰罪施於外者也施之當則保其治保其
安保其存不當則至於亂至於危至於亡所以能當在於至
明所以能明在於至公 神宗即位錢顗上要務十事五曰

聽斷不惑臣愿陛下不行小人浸潤之譖不聽近習容悅之言進忠賢而不疑斥邪佞而不用雖堯舜之聰明亦無以過於此

其獻策收結等段並見第一套

壁水羣英待問會元卷之十六

君道門

敬天

名流舉業

立意發端敬天不在虛文○人主忽於天變之來而簡略於應天之敬固君子之所憂也人主狎於天變之數而玩習於應天之文尤君子之所懼也何也方天變之間作也上天仁愛人君之心蓋欲時出以警戒之也嚴恭寅畏固奉若天道之純誠遇災而懼尤克謹天戒之盛德苟當變異之至一諉之適然之數而畏威敬怒之心不流通於典章文物之間減膳避殿所以責躬也而曰無庸過自損抑也罪已求言所以

引咎也而曰何必爲是張皇也役可簡刑可清過可赦罪可宥而曰不必從事於姑息之恩以要譽也舉側身修行之言謹德克艱之語皆付之老生之常談而褻天慢天之咎始有上通於天而不可解者是則人主忽於天變之來而簡略於應天之敬君子安得不以爲憂者也若夫天變之存臻則異是矣今日以譴告聞而明日之天變愈甚也明日以災眚告而後日之天變相仍也旦旦以咎證言之而大災異大變故之無日不數也則人主於此不特委於數之適然而且付之事之常然矣不特以高高之聽不可俄度而且玩之而不知畏矣輟路寢之朝姑應故事而已損太官之膳姑示具文而已下寬大之書布罪已之詔亦惟藉口以欺世而已彌文末

節粲然於有司之討論而亦大惟艱其終出於不祥之語非其所厭聞則以強聒罪之矣兢兢業業之誠戰戰慄慄之意曷嘗少見於反身克己之間而天變之紛來沓至則惟以前數者文過之儀爲應天之常程而已矣於是疾敬德之實無以自解於天而天且絕之矣則人主狎於天變之數而玩習於應大之文君子不此懼而何懼也

謹終如始之難（轉肆爲敬）回天意於一時易謹終如始凝天眷於後日難夫皇天本無親也而饗道可必帝命本難謀也而福善昭昭金縢之書一啓反風之祥如谷谷響雲漢之行方修中興之烈若鼓應桴冥漠之中應感何神是之謂回天意於一時者易雖然常厥德於不變然後保厥命於無窮

貳吾誠於旦暮必速天怒於俄頃內殿無逸之圖代以山水則變故層出太液尚書之圖退而醇酒則災異數見彼天命之去留實係乎吾心之敬忽是之謂凝天眷於後日者難夫警君君敬天○有上天愛君之深意有人君體天之實意災祥迭臻休咎互見不以警戒而忘眷予之念者上天愛君之深意也欽畏一源敬懼一脈不恃休嘉而忘變異之至者人君體天之實意也嗟夫昊天曰明及爾出王陟降厥士日監在茲天之於君未嘗一時不昭假也一日萬幾天工是懼惟治惟亂天位是警君之於天未嘗一事不敬念也故天非靡常而難諶也戒懼警省固與眷顧寵綏之意每並行而不悖君非具文以應天也雖肅保固與戰兢履冰之意常相

因而不違

稽古偉議

古人敬以自牧○堯有渚水儆予之變然兢兢一

念堯惟知欽若吾之天舜有烈風雷雨之變然兢兢一
惟知璣衡吾之天明威弗僭天自明威耳而成湯日躋之中
未嘗不天監觀有赫天自有赫耳而文王陟降之中未嘗不
天偃禾起禾天自偃禾起禾耳而成王夙夜之中未嘗不天
蓋人君一身無往非天動靜有天之晦明語嘿有天之變化
號令有風雷之鼓舞政令有日月之照臨德教有雨露之潤
澤刑威有雪霜之嚴肅誠人君之天有常而不變則天之天
亦無由而或變萬一變形於天則是吾之天所以自變者亦
多矣不知復吾之天以回天之天則雖敬天有圖欽天有臺

亦虛文而已

詩人不怠敬天○是故以我將之頌固曰天且享而助之矣
文王亦受而福之矣而我其夙夜畏天之威益不敢怠焉此
則我將之終意也以昊天成命之詩固曰於緝熙矣釋者以
爲既光明矣而單厥心肆其靖之益不敢懈焉此則昊天成
命之終意也以維天之命之詩固曰太平告文王矣而文王
之德之純純亦不已益不敢不勉焉此文王維天之命之深
旨也玩味諸詩大抵於其可樂之時而嚴可懼之戒於咏頌
之間而致其儆戒之辭不以一時之治爲可歌而詠而必以
可久可大者望成王之益勉其敬焉此周頌之所以爲美而
今日慶成之詩所以編之詩而無愧也

修陽德消陰氣○是故五星連珠兩曜合璧非天數之偶符也三皇治古德邁道醇以陽召陽之應也日月薄蝕星隕如雨非數之適變也春秋世降君弱臣強以陰感陰之證也渭上朝漢鐘鼓嘲轟非夷運百年之當弱也厲精之主大化神明陽足以勝陰也漁陽亂唐干戈觸擾非夷運一旦之驟強也溺愛之君宴於鴆毒陽不能以制陰也信矣乎宇宙之間通一氣耳其端芒萌於人主之心其證應著於天地之表陽亨而復則陰盛而剥矣陽長而泰則陰消而否矣其或陰蒙而翳者是固涸涸之陽未達也陰凝而殺者是吾生生之陽未暢也此猶黃鍾一動則黃甲皆春夜氣一交則妖怪錯見機絨影響氣類埏埴斷斷乎其不可爽也

法祖嘉猷

嘉祐淳熙常德○嘉祐日食之變言者諉曰陰雲

蔽之無不可也而失在陰邪未屏失在左右親倖吳及必面
奏而不欺淳熙禱雨之苦言者諉曰天欲乾封無不可也而
陛下一念克敬天實臨之趙雄必指陳而無隱二先正實論
真無忝於魏相災異風雨之奏今廷紳所以懇懇納忠舌弊
而唇腐者豈非正欲仰嗣其徽音歟然此特我先正愛君憂
國之忱也孰知我祖宗一念慮心術而神明在前一動靜語
嘿而窮昊伊邇初不以變異方來而履薄臨深亦不以乖沴
既消而安意肆志有如側身修行毋得稱賀雖見於嘉祐之
間想其方寸精誠對越無愧有不變者四十二年親禱上帝
更不飲酒雖見於淳熙之際想其平居修省毫髮罔愆有定

力者二十八載二聖人常德殆不止於宣王遇災而懼之意歟

一懼心之所爲○蓋嘗博考前聞參稽往謀上天譴告胡爲獨多於仁宗之中世也誠觀景祐以來日食星流旱乾水溢無歲無之此一逆境也而我仁宗則曰堯舜之世雖有災異不爲害桀紂之世雖有祥瑞不爲福韓琦亦曰閔瑞謀則意安意安則政怠覩災符則心懼心懼則德修此時此意必無一念之不敬畏也是以求直言詢民瘼寬刑獄減賦稅凡可以應天者莫不舉行卒之咎證潛消福基彌固養成嘉祐太平之盛觀此無他一懼心爲之耳

時文警段實德實政之說○何謂實德左右陟降上帝臨女

暗室屋漏神明在前側身修行固恐懼於雲漢遇災之日而
惟時惟幾當戒飭於景星慶雲之朝求言罪已非虛文也減
膳撤樂非故事也必誠心惕厲不以頃刻而自安隨事檢防
不以毫髮而自恕精神心術之所運必無一之非實而後可
以言敬天之忱矣何謂實政攷論古今條舉利害敷陳時事
裨益聖衷遇災賑恤雖見於天譴流行之時而思患預防尤
謹於事變稍息之後節用省刑非虛談也求賢察吏非文具
也必思慮詳盡無以纖悉之或遺極意敷陳毋以僅安而遂
已朝廷政事之所閱必無一之非實而後可以盡勉君之責
矣

曲盡敬天之德○事事而觀物物而察凡有麗乎陽者振之

翼之凡有麗乎陰者屏之絕之必使陽得以勝陰而陰不能以勝陽君子陽也小人陰也我則進君子而退小人前殿對群臣之地陽也後廷近女寵之時陰也我則親群臣而踈女寵大綱小紀明白洞達者陽也旁蹊曲徑荒蔽而覆護者陰也我則䟽通洞達而去蒙蔽若然則一氣感通百順類應景星慶雲夾光呈瑞而天時之變可回康居重譯齊疆歸舊而地利之偏可復轉移閭闔之機獨不在人主之一念乎

誠敬可以感天○嗟夫寸忱對越神之格思一德感通帝實臨女祀事孔明景貺隨格于以見上天悔禍之機而向之譴告者未有不可反而爲福祐者也人君亦在乎充此心而已日月皇明群幽盡燭風雷號令百廢具興爲民請命常致於

精虔側身懼災勇加於儆省如是則實德修而天眷可回矣
不然祝史矯舉隨侯未暇於成民淫雨降殃宋公不遑於罪
已愚見不惟一人之敬易渝不但百執事之慢可罪也謂是
足以格天否乎

緇語駢珠

勅天之命惟時惟幾雖日廋此歌未足也
敬天之渝無敢馳驅雖日講此詩未足也

上帝臨汝毋貳爾心帝即心也

一陟一降在帝左右天即我也

狃於休祥之荐臻者恐懼脩省之不知
習於符呪之屢至者般樂怠慢之不戒

嚴恭寅畏無念而不得不曰災異之來而後有畏天之心也
發政施仁無時而不順不曰譴告已形而後有召和之政也
祇事之誠常若降鑒之昭於側則內庭燕安皆修德之地
奉順之念常若譴告之參於前則暗室屋漏皆持心之所

當今獻策因天變以修德○今日析木之清不聞而天象之
警則屢聞泰階之正未驗而雲漢之變則幾驗昔猶敬予也
今似絕予矣昔猶敬怒也今蓋敬渝矣聖天子欽天儆時如
帝堯察文密已如大舜不惜憂勤深自克責意其曆象之命
不爽璣衡之政已齊挽回和氣於洊震之頃矣天語渙頒猶
有災異頻仍夙夜祇懼之語毋乃謂此感而彼未應歟愚切
謂自古聞有不誠未有能動者矣未有感而不應之理也此

伊川所謂感必有應應復為感者非耶君其毋謂之德之純而天猶未享也誠能深宮獨行於穆不已則天之享德者如昔也君其毋謂之微之顯而天猶未格也誠能暗室謹獨至誠無息則天之格誠者猶故也君其毋謂無聲無臭之載精神之未必上徹也誠能齋明盛服洋洋乎如在其上則天命流行無間可容息矣嗟夫智可以欺一世而屋漏格思之神為難欺言可以誣天下而獲罪無所禱之帝不可誣愚願恐懼修省於震于其躬之時內省不疚於不大聲色之頃則感應之理瞭然於方寸間矣孰謂所感已至而所應尚邈乎敬天當以實德○以一人齋肅之誠一念莊敬之至天猶開視景象以報之向使上下一心始終一德則所以格天者宜

何如也繼自今克念克敬無替於我將我享之時靡馳靡驅
益謹於在廟在宮之日敬天一圖朝思夕惟不徒玩之於言
而必體之以身不徒行之於誓而必持之於乂泮水微子所
以極溺者猶已之溺艱鮮播奏所以賑飢者猶已之飢念先
王發政之仁亟救乎黎民之困推太宰均節之法圖制乎百
物之踊於是明德以薦馨香成民以獲嘉福郊焉而神假廟
焉而鬼享諸福之物可致之祥夫豈難致者哉

不可玩視天災○由今觀之方惟洪水湯湯之患而繼享豐
年穰穰之樂方厲震雷號號之懼而旋有谷風習習之符初
鳥雖曰漂蕩而含哺鼓腹之可期始焉雖曰降罰而陰陽相
協之猶昔憑嘗以理驗之古今天下常以天戒爲可憂而

今乃無虞焉常以天幸為難遇而今乃數值之焉是何皇上
一念惕然足以動昭昭之鑒乎抑天以我宋克肖其德故警
之未幾而福之繼至乎吁天之戒不可忽也天之幸不可玩
也世之忽天之戒者必曰子產不用禪竈之言而鄭不待災
晏嬰不從禳雩之說而齊亦無警曾不知古人遇災而懼之
念其肯諉之於數乎世之玩天幸者必曰大橫庚庚既開文
帝受命之符雖日蝕適見何損於富庶膠東鳳凰既兆宣帝
更始之祥雖地震山傾何傷於中興曾不知昔人天其忘予
之戒其肯安之以為喜乎昔者懷山襄陵之世下民方苦於
怨咨帝堯亟圖於俾乂初不以功之難就自沮也周官保章
氏以十二風察天地之和所謂詔敕政訪序事者初不以妖

祥爲限也則天戒之不可忽天幸之不可玩從古然矣

聖意收結當盡應天之實○雖然人主一心造化之樞紐係

焉陰陽由之而慘舒天地以之而晦明其造端甚微其功用甚大其形迹若邇其感召其遠誠居天位者所當謹也然則今日應天之實當如何亦曰施爲舉措一求端於天而已何者天爲剛德吾則剛健中正自強不息使天下悉陶於保合大和之域而後可以應天天有顯道吾則聰明文思光被四表使百姓咸歸於昭明協和之內而後可以應天遏惡揚善者天也吾則親君子遠小人使忠邪無雜揉喜惡不混淆而後可以應天福華禍夷者天也吾則修政事攘夷狄使齊疆

遘歸魯析沉響而後可以應天不然則剛毅未幾優柔繼之

昭明未幾昏塞踵之任賢使能氣象方新而儉壬之乘隙抵
巇者或得投善良之阱除兇雪耻計畫甫就而驕惰之避敵
畏事者或得懷進取之規將何以承天意迓天休續天命衡
茅書生愛君憂國敢以是為今日勉

君心回則天回○抑愚有說焉國之所恃者天爾然而欲回
在天之天又當回在我之天吾心回則天心回矣天心回則
國勢回矣今日誠能絕女譖以應天則夜氣如神內景不汨
可以上契天心誠能戒近習以格天則陽明日勝陰濁不行
可以仰當天心納清心寡欲之疏則思所以事吾稟賦之天
聞媒近小人之戒則思所以守吾宮庭之天聽民罔常懷之
訓則思所以全吾恤民之天觀備邊禦戎之詔則當有以安

吾遣庭之天審如是則妖星沴氣轉而為景星慶雲危形弱
證轉而為泰山磐石何患乎災異之未消何患乎財用民生
之未理且何憂乎兵將上流之未得其區畫也耶昔紹興廷
臣論日食之變本於惡氣惡氣之萌本於惡念我高宗聿然
曰誠在朕念慮間高宗之心一天之心也今日可不以是為
法歟詩不云乎不愆不忘率由舊章惟上之人留意

故事源流

經傳格言

天人相與之際甚可畏也國家將有失道之敗乃

先出災害以譴告之不知自省又出怪異以警懼之尚不知
變而傷敗乃至以此見天心仁愛人君而欲止其亂也

前集

歷代事實

堯命羲和欽若昊天敬授人時堯有夏竊俊尊上

帝立天明畏自我明民威陶舜畏天而愛民謬禹天迪從

子保面稽天若紹先王克謹天戒亂湯予畏上帝不敢不正

湯爾有善朕弗敢蔽罪常朕躬弗敢自赦惟簡在帝之心匪

欽崇天道永保天命仲先王顧諷天之明命以承上下神

祇社稷宗廟罔不祇肅奉若天道太迪畏天顯小民譖先王

懋敬厥德克配上帝書湯降不遲聖敬日躋昭假遲遲上帝

是祇發長中宗嚴恭寅畏天命自度無高宗惟天聰明惟聖

時憲惟臣欽若惟民從又說進于王曰黷于祭祀時謂弗

欽禮煩則亂事神則難同文王命我文考肅將天威泰惟我

周王丕靈承帝事多亦越文王武王克知三有宅心灼見三

有俊心以敬事上帝立文王陟降在帝左右詩小心翼翼昭

事上帝

詩

成王我其夙夜畏天之威將敬之敬之天惟顯思

命不易哉

敬之

公不敢不敬天之休謠漢文帝思至德以承

天心

溫

元帝陛下上畏天戒大有減損臣衡帝詔曰朕夙

夜祇畏上天

紀本

唐太宗正觀二年上謂侍臣曰人言天子至

尊無所畏憚朕則不然上畏皇天之監臨兢兢業業猶恐不

合天意

通鑑

文武官復請封禪上曰事天掃地而祭何必祭太

山之巔封數尺之土然後可以展其誠敬乎通鑑元宗將幸東

都太廟四室壞上避正殿姚崇乃曰歲久朽腐而壞適與行

期相會何足異也

唐史

皇朝典章

太祖嘗盛暑露臥或請避星月下太祖曰凡人之

情觀星月爛然則生畏竦至於暗室得無欺乎要太宗雍熙

元年上謂宰臣曰今歲西成四方大稔皆上天垂祐所致當與卿等力行好事以答天意史仁宗慶曆元年上曰國家雖無大異亦當修警況因謫見乎高宗紹興二十六年上曰朕在宮中聲色未嘗經心只是靜坐內省求所以答天意者孝宗乾道七年上曰無逸一篇享國長久皆本於寅畏朕近日取尚書中所載天事編爲兩圖朝夕觀覽名曰敬天圖七年張權劄奏淮西秋成可望虞允文奏聖德無闕動合天心上曰君臣之間正要相警戒以答天貺九年曾懷等奏郊祀禮成普天同慶且原廟行禮陰雲閣雨旣謁清廟瑞雪應期未明而霽以至青城宿齋負丘蒞事天氣澄爽此皆聖德昭著故高穹降格靈貺如此上曰君臣之間正當修飭以

答天貺

范祖禹

上哲宗曰聖人之事天也非在於七日戒

三日齋執圭幣以享圓丘之時也天之佑聖人也亦非在祭則降福之時也聖人無一日而不事天天無一日而不佑聖人昔堯授舜舜授禹曰天之曆數在爾躬夫帝王之興受天眷命豈一朝一夕哉由其積行累功素合於天也 韓琦上

仁宗曰聞應天以實不以文故宋景公以熒惑守心不移臣庶之咎子韋稱君有至德之言熒惑必徙三舍此則以實應天之效也唐明皇以太陽虧蝕悉令赦徒隸之人宋璟謂至誠可以動天不在德音頻降此則以文應天之弊也陛下欽順皇天之誠可謂至矣其於銷伏災眚之道則猶未焉臣苟

不能獻忠盡言使陛下常以禮縉蕃薦牲幣為修德除患之本則臣豈不上負陛下懼哉修政之意哉富弼曰人君若不畏天何事不可為者去亂亡無幾矣此必姦臣欲進邪說故先導上以無所畏使輔弼諫爭之臣無所復施言行錄

文集卷華

李太伯曰畏天者昌習天者亡何謂畏天高宗成

王景也何謂習天元成是也人之情非所常見而見之必懼懼必畏之情同而所畏不同明王思之以為在德德修而災異銷然後愈知天之明而德之盛也闇主思之以為在數故任數而不修德德不修而禍未至然後愈知天無心而數有定也惟天之仁又出災異以申勅之彼必曰前既無定此奚為哉亦數而已矣災異愈多不懼愈甚耳習於聞目習於見

心習於思習之久則不聞不見不思焉耳然則上帝之怒不足獨當下延衆庶止累廟社甚可痛也嗚呼人不可玩況天乎

敬天二

以君能立說

策頭人皆曰今日莫急於回天人心愚獨曰今日莫先於回君人之心蓋福華禍夷者天之心尊君親上者人之心今乃以平日之眷顧而遽形於咎證之荐臻以數百年之愛戴而遽形於浮言之胥動此豈天人之得已哉一轉移之在人君方寸間耳何則日官底日精祲非祥星臺占星象緯示警祥飈從律方以爲豐年之占流星隕晝未幾示興兵之象人孰不曰當急於回天心也鴻鴈离居蕩析失所綿蠻過密生

聚不安潢池赤子幸無弄兵之憂並遣遺黎莫固按堵之志
又孰不曰當急於回人心也愚以爲天人之心不難回而君
人之心所當回

策段仰觀天時俯察地利而參諸人主之心切以爲是三者
同一陰陽之氣轉災而祥變弱而強旋乾轉坤而消災運革
故鼎新而復生意在君心一轉移耳方當天災流行變怪迭
出吾君當惻然而思曰此吾之陽明不足以弭變也彼日而
食周有夷戎之侵五星聚箕唐有天寶之難矧今風雷虹月
之頻仍日星風電之疊見吾其可不耀陽明之德以弭之乎
故必清其天君湛其虛府真能減膳而無珍羞玉食以爲奉
真能撤樂而無左絲右竹以爲音真能避殿而無後庭內宴

以爲使星寺入井而罷壽觴宜如我高宗毋徒諉之數曰日

食之變十有二而無傷於文景富庶之治長星竟大而無損

於孝武攘卻之功也變不虛生緣証而起皇上何不以在

我之天印在天之天惟時惟幾必謹敕天之誠出王游衍必

嚴敬天之實清天君以絕小星之寵嚴天秩以削綠衣之僭

天工之不可曠則舊老在外之杜邾公所當召還也天討之

不可廢則擁兵不援之王權所當明正典刑也凡所以祈天

永命者無所不至天心苟回天下大勢未有不與之俱回

事成湯遭旱以六事自責咎天戒後鍾離伊陟相太戊毫

有祥桑穀共生于朝太戊賛于伊陟作伊陟書命宣王遇灾

而懼側身修行欲銷去之謂雲故常修德者本也見異而修

德者末也子揚

本朝真宗咸平五年唐州地再震司天奏熒惑犯輿鬼陳堯
叟曰天文謫見實欲昭示時君今陛下克己愛民河防十餘
溢而不決歲復大稔此聖德格天所政也上曰天不欲困生
靈耳豈朕德能感之長仁宗天聖五年王曾言夏秋大旱皆
臣等輔政無狀以致厥咎上曰當與卿等共脩政事以答天
戒慶曆三年上曰天久不雨將害民田比欲下詔罪已撤
樂減膳又恐近於崇飾虛名不若夙夜精心密禱為佳爾
七年詔曰自冬迄春旱暵未已五種弗入農失作業咎自朕
致民實何愆與其降疾於人不若移災於朕長神宗熙寧三
年上諭王安石曰聞有三不足之說否安石曰不聞上曰陳

薦言外人云今朝廷以爲天變不足懼人言不足恤祖宗之法不足守七年上以久旱憂見顏色欲盡罷保甲方田等事王安石曰水旱常數堯湯所不免今旱暵雖遠但當益修人事以應天災不足貽聖慮耳張高宗建炎三年霖雨不止可召郎官以上赴都堂各言朕過失庶可收人心召和氣銷天變三年初日蝕僅四分未幾退呂頤浩曰陛下嚴恭寅畏天鑒精誠宜感格如此上曰朕常夜觀天象見熒惑躔次稍差食素已二十餘日須俟復行軌道當復常膳紀本孝宗淳熙二年上曰朕以久陰祈求未應獨不曾決獄昨日欲批出方下筆而風急起雲陰吹散至晚開晴一念之誠隨即感應七年上曰近頗乏雨昨晚方欲禱祈半夜遂得雨笑曰此雨

從何處來趙雄曰從陛下方寸中來人主一念克誠天實臨之聖政

敬夫三

以敕正君心立說

策頭主一之謂敬人君存心以敬當無窮人臣愛君以敬亦無窮於其歸美之中而寓其責難之義必欲君心之敬無時而或息則人臣愛君之心白矣故夫誇申命用休之盛不若賡勅天之歌詠神祇安樂之休不若陳敬之之頌

策段夫天生民而立之君謂之天子而大臣則天子之家相也天子於深宮之中以一身之微而居乎億兆人之上崇高富貴莫與京也所恃以警其心者惟天命之靡常而天威之可畏耳古今人主孰不曰吾能敬天也然而甘言悅辭朝浸

暮淫或導之以佞諛則每至於忽乎天鳴劒抵掌鞭弄笏畫
或誘之以功利則復至於忽乎天羊車前導鄭衛後隨妬寵
而負恃爭妍而取憐或蠱之以宴游則遂至不畏乎天甚而
眩之以高談惑之以異論休咎而諉之數存亡而歸諸命則
一切盡棄乎人事而惟委之天吁此豈獨人主之過哉蓋亦
無大臣者將順而正救之故易抑畏而爲縱肆轉低懼而爲
弛慢勢所必至

蓋主一之謂敬惟人主悠久不息者能持之有一念之變移
者不足以言敬也愛君而主敬惟人臣忠盡無極者能陳之
有一辭之溢美者不足以言愛也幸三靈之已格而無以益
加其黽勉之誠幸景貺之已開而無以益堅其對越之素則

人主以敬存心者急矣豈所謂主一之敬乎知中興之可詠而無以益致其規倣之忠知治象之可歌而無以益贊其忱恂之運則人臣以敬愛君者虧矣豈所謂主敬之愛乎

事類

舜帝庸作歌曰敕天之命惟時惟幾皋陶拜手稽首颺

言曰念哉

書益稷

成王曰公其以予萬億年敬天之休拜手稽

首誨言

洛誥

召公曰我非敢勤惟恭奉幣用供王能祈天永命

詔本朝司馬光奏臣伏見陛下踐位以來災異尤甚彗星彰見飛蝗害稼當此之際群臣宜勸導陛下以祇畏天命勤恤民隱克已謙約博求至言以消伏變咎乃致善祥而朝廷晏然曾不爲意或以爲自有常數非干人事或以爲景星嘉祥更當有禍此皆群臣諂諛之罪陛下豈得不省寤而深思哉

敬天四

以定其天君立說

策頤有有形之天有無形之天有形之天在上之天也無形之天在茲之天也在上之天者天之天也在茲之天者已之大也天之天惟聽其自然已之天必盡其當然以此之當然應彼之自然則已之天定而天之天亦定而天變弭矣

策股天心不難回君心定則天心回矣民心不難收君心定則民心收矣此理之在天地間斷不可易有天下者可不懼哉七年之旱湯之變也而六事自責則彼蒼之景命回矣萬民之散宣之憂也而勞來一形則吾民之生氣回矣即是而觀則有形之變其真有邪無形之變其真無邪抑將制吾無

形之變以消有形之變耶

夫所謂有形之變者吾嘗求諸蒼蒼之天矣豈非星文屢愆
風雷示變有以駭吾君之見歟又嘗求諸蠢蠢之民矣豈非
內地陸梁外患叢委有以駭吾君之聽歟然桑穀共生治道
復興淮夷弗靖兆民底綏特在夫人主之一警悟耳夫所謂
無形之變何如哉不在天不在民不在敵國外患而在人主
之一心莫見乎隱莫顯乎微宮庭之間姦賊生焉社席之上
刀鋸森焉左右之習機穽設焉以之而任人吾見鴟鶚翔而
鳳凰伏矣以之而聽諫吾見黃鍾毀而瓦釜鳴矣以之裕國
而固邊吾見江河湍厄而棘門兒戲矣國家之變孰大於此

事料

舜命禹曰敬修其可願四海困窮天祿永終

大禹

禹曰

安汝止惟幾惟康其弼直以昭受上帝天其申命用休禮成
王召公曰肆惟王其疾敬德王其德之用祈天永命詔文王
克知三有宅心灼見三有俊心以敬事上帝 又文王惟堯
厥宅心詩 本朝喬行簡奏寧宗在位三十餘年寅畏天命始
終不渝一旱蝗之灾一星象之變非但敬於祈禳禱祠而已
慈仁之念上通帝心恭儉之德遠古莫及可謂有敬天之實
繼劉子翬云萬慮俱亡一敬而已視如對日星聞如驚雷霆
食如盤誦銘誄如几宣箴坐如立記過之史行如隨糾非之
吏中存是心發無不應也夫恭於昭昭者敬之名也應於昏
昏者敬之實也

其獻策收結等段並見第一套